



Algrøy Bygdalag

Dato: 24.04.2015
Vår ref.: 2015/59-113
Saksbehandlar: hanespe
Dykkar ref.:

Avslag på søknad om tilskot til lokale friluftslivstiltak 2015 - Leikeplass Algrøy Skule

Det vert vist til dykkar søknad med frist 15.02.2015 til Hordaland fylkeskommune, om tilskot til lokale friluftslivstiltak. Hordaland fylkeskommune, Kultur- og ressursutvalet, vedtok den 16.04.2015 at dykkar søknad om tilskot til leikeplass på Algrøy skule, ikkje fekk tilsagn.

Grunngjeving

I samband med Friluftslivets år 2015 vedtok Kultur og ressursutvalet 12. februar 2015 at kr 320.000 av kr 400.000 som vart sett av i fylkestinget i desember 2014 til Friluftslivets år 2015, skal leggest inn i denne tilskotsordninga. Såleis er det kr 720 000 til fordeling. Det er 75 søknadar med ein samla godkjent søknadssum på kr 2 429 620. Til grunn for handsaminga låg skildringa som vart gitt i søknaden. Dykkar søknad vart vurdert saman med andre søkjarar opp mot retningslinene for ordninga og relevans for Friluftslivets år 2015. Vurderinga er og sett i samanheng med andre fylkeskommunale og statlege tilskotsordningar knytt til fysisk aktivitet, idrett og friluftsliv.

Dykkar søknad fekk diverre ikkje tilsagn. Grunngjevinga er at samla godkjent søknadssum overstig midlar til fordeling, og såleis har fylkeskommunen måtte prioritere mellom mange gode friluftstiltak. Opprusting av leikeplass har liten overføringsverdi til andre aktørar, og har ikkje fått tilsagn .

Saksframlegget til møtet i Kultur- og ressursutvalet ligg ved.

Klage/partsinnsyn

Part eller andre med rettsleg klageinteresse kan påklaga vedtaket innan ein frist på tre - 3 - veker. Fristen vert rekna frå den dagen de mottok melding om vedtaket. Den fylkeskommunale klagenemnda er klageinstans. Klagen skal sendast til Kultur- og idrettsavdelinga, Postboks 7900, 5020 Bergen. Klagen må innehalde opplysningar om kva vedtak det vert klaga over, årsaka til at det vert klaga og kva endringar ein meiner bør gjerast. Vi gjer merksam på at de etter forvaltningslova har rett til å gjere dykk kjend med dokumenta i saka med dei avgrensingane som følgjer av §§ 18 og 19.

Har de spørsmål kan de kontakte rådgjevar Eirik Knive e-post eirik.knive@hfk.no eller tlf 55 23 91 66.

Lukke til vidare med dykkar arbeid med å skape ein aktiv kvar dag for folk i Hordaland!

Med venleg helsing

Anna Elisa Tryti
fylkesdirektør kultur og idrett

Hanne Espe

rådgjevar

Brevet er godkjent elektronisk og har derfor inga underskrift.

Kopi til:
Fjell kommune